




Scivu



REGIONE AUTONOMA
DE SARDIGNA

COMUNU DE
ARBUS

ASSOTZIU
EUROFORM

Scivu est una de is spiàgias prus connotas de sa Costa Birdi in su Comunu de Arbus, e s'agatat intra Piscinas (nord) e Cabu Brebei (sud).

Tres chilòmetrus de anei fini fini, moddi e indorada, ddi nant fintzas "spiagia chi chistionat" po su sonu chi fait chi ddoi camminas a suba.

S'acua est trasparente e luxenti, de unu colori intra su birdi e s'asulu.

Sa spiàgia si firmat sceti po lassai logu a is arrocas arrubiastas, e a palas de is montis de anei a is matas mediterràneas.

Totu custa costera fai parti de un'òasi WWF, de su Parcu Gemineràriu de sa Sardigna, de su situ de interessu comunitàriu de Cabu Brebei e de su sistema dunali Scivu-Piscinas.



Ingurtosu



REGIONE AUTONOMA
DE SARDIGNA



COMUNU DE
ARBUS



ASSOTZIU
EUROFORM

Sa bidda de Ingurtosu s'agatat a s'acabu de sa baddi de is ànimas, a 13 chilòmetrus de Arbus. Oi est una bidda disamparada, ma in su passau ddoi fiat una de is menas prus manhas de Sardigha aundi biviant giai 5000 personas. De interessu mannu su Casteddu, monumentalì palatzu de sa diretzioni progetau de s'ingegneri J.G. Borneman (1884-1894), chi arregordat s'architettura nord-europea. In su fàbbricu ddoi fiant ufitzius, laboratòrius e sa domu de su diretore. Calendi faci a Piscinas s'agatat su Putzu Gal, chi pigat su nòmini de su diretore de sa Penarroja. Dd'iant fatu po trabballai sa bena Brassey, sa sighidura de sa bena de Montibèciu, chi cun 8 chilòmetrus est sa prus manna de sa Sardigha. Ancora prus in bàsciu s'agatat sa Laveria Naracàuli, chi iat inghitzau a trabballai me in is primus annus de su 1900. Oi, chi puru est sciussada, poderat unu acisu mannu in mesu de is matas mediterràneas.



Piscinas



Piscinas est una de is spiàgias prus connotas de sa costera de Arbus.

Longa prus de 7 chilòmetrus, cun dunas de anei fini fini e colori de oru mudadas de su bentu Estu, chi arribant fintzas a 60 mètrus de artària.

S'acqua de mari est limpia, birde e biaita, e a palas de is montis de anei s'aberrint is coloris de is padentis e de su sartu.

Est unu logu de paxi e bellesa manna e, ònnia tanti, si podint ammirai fintzas su cervu sardu e su tostoinu de mari.

Turri de Flumentòrgiu



REGIONE AUTONOMA
DE SARDIGNA



COMUNU DE
ARBUS



ASSOTZIU
EUROFORM

Sa spiàgia de sa Costa Birdi pigat su nòmini de sa turri de Flumentòrgiu.

Fabbricada de is ispagnolus a s'acabbu de su de XVI sèculus po s'amparai de sa lompida de is morus, sa turri teniat totus is armas chi serbiant po resistiri a su fogu de is navis.

De is tesimòngius, sa turri at trabballau fintzas a su 1867, e aintru ddoi fiant su cumandanti e unus cantu de sordaus, armaus cun duus cannonis e cuatru fosilis. Cun una struttura simpli e utilosa, aintru ddoi fiat unu aposentu cun sa zimihera e una scala chi portat a su terratzu.

Sa spiàgia est longa giai duus chilometrus fintzas a sa localidadi de Pistis. S'anei est de colori indorau cun dunas mudadas de su bentu estu, chi suat meda in custa zona. Su mari est fungudu mòviu fatuvatu, tocat a donai atentu e a dd'arrispetai.



Nuraxi Cugui



REGIONE AUTONOMA
DE SARDIGNA



COMUNU DE
ARBUS



ASSOTZIU
EUROFORM

Asuba de unu cùcuru artu giai 400 metros, a 500 metros de sa ss. 126 (sa bia po Frumini Maiori) s'agatat su Nuraxi Cugui, unu monumentu de importu mannu in su Comunu de Arbus.

A is peis de su cùcuru ddoi at sa Mitza 'e Canau. In su giassu ant agatau arrastus de aposentamentus de s'edadi prenuràgica chi pertocant sa cultura de Santu Chiricu (3400-3200 a.C.), Santu Miali de Otteri (3200-2850 a. C.) e Monti Claru (2400-2100 a.C.).

Su Nuraxi, classificau comentu protonuraxi, tenit una pranta tundatza e duas turris mannas, una turri prus pitia in mesu e unu passaditziu chi lompit aintru in sa pratza. De su Nuraxi si podit ammirai totu sa bidda de Arbus, su Monti Linas e unu arrogu de sa bidda de Gonnos.

Una bista diaderus bella ingiriaus de is padentis.